

ՊԱՏՄԱԿԱՆ ԿԵՐՊԱՐՆԵՐԻ ԳԵՂԱՐՎԵՍՏԱԿԱՆ
ՄԱՐՄՆԱՎՈՐՈՒՄԸ Պ. ԶԵՅԹՈՒՆՅԱՆԻ <<ԱՐՇԱԿ
ԵՐԿՐՈՐԴ>> ՊԱՏՄԱՎԵՊՈՒՄ

Հայոց պատմության նկատմամբ շատ մեծ է մեր ժամանակների անվանի վիպասան ու դրամատուրգ Պ. Զեյթունցյանի հետաքրքրությունը: Ժողովրդասեր ու հայրենապաշտ գրողը իր ստեղծագործություններում անդրադառնում է հայոց պատմության՝ դրամատիկական իրադարձություններով լեցուն ժամանակահատվածներին, ուր անգամ աննշան համարվող պատմական փաստերը տաղանդավոր գրողի գրչի տակ ստանում են միս ու արյուն, պատմական կերպարները, իրենց պատմականությունը պահելով հանդերձ, ձեռք են բերում հոգեբանական – անհատական համոզիչ հատկանիշներ ու դառնում կենդանի, վառ ու զուներդ կերպարներ:

Պատմությունից ինչ է հայտնի չորրորդ դարի դեպքերի ու դեմքերի մասին: Շատ բան: Եվ այդ <<շատ բանի>> համար հայ պատմագրությունն ու գեղարվեստական գրականությունը մեծապես պարտական են հայ պատմիչներին, մասնավորապես Փավստոս Բուզանդին, պատմավավերագեղարվեստական բացառիկ արժեք ներկայացնող նրա <<Հայոց պատմությանը>>, որի թեմաներով զրվել են բազմաթիվ ստեղծագործություններ՝ դրամատիկական գործեր, պատմավեպեր, պոեմներ:

Հայ գրողների պատմավեպերի մեջ իր ուրույն տեղն ունի Պ. Զեյթունցյանի <<Արշակ Երկրորդ>> պատմավեպը: Մեր կարծիքով՝ գրականագիտությունը դեռ արժանին չի մատուցել անվանի գրողի այս հրաշալի պատմավեպին, որն աչքի է ընկնում գաղափարական հագեցվածությամբ, պատմական փաստերի ու կերպարների համարձակ ու թարմաշունչ մեկնաբանություններով, որոնք որոշակիորեն տարբերվում են հինգերորդ դարի պատմիչի՝ իրականության ռոմանտիկական փոխաձևություններից: Այդ տարբերությունը պատճառաբանենք Աբեղյանի բացատրությամբ. << Ինչի՞ց է առաջանում այդ տարբերությունը: - Ամենից առաջ նրանից, որ վեպը պատմություն չէ, այլ բանաստեղծություն. Վիպասանը պատմագիր չէ, այլ բանաստեղծ: Նրա նպատակը չէ կատարված եղելությունը ճշտությամբ վերարտադրել: Նրա խնդիրն է հարկավոր ձևով լուսաբանել պատմությունը: Այդ պատճառով նա պատմությունից չի առնում ամբողջը, այլ միայն նրա մեկ մասը: Բացի այդ՝ նա պատմությունը փոփոխության է ենթարկում և տալիս է կատարված իրականությանն իր

Ժամանակի պահանջի համեմատ սոցիալական արժեքավորում, որոշ սոցիալական իմաստ: Կնշանակի՝ վիպասանը պատմությունից ստեղծում է այն, ինչ ուզում է ինքը, իր ունկնդիրը»:¹ Պ. Զեյթունցյանը իր վեպը գրել է իր ժամանակի, իր ժամանակակիցների համար, արդիաժողի հարցեր բարձրացնելու և նրանց պատասխանները յուրովի տալու միտումով:

Հգոր, անկախ, միասնականությամբ համախմբված, կենտրոնաձիգ պետականություն ունեցող Հայաստան երկիր ունենալու երազանք-գաղափարն է ընկած «Արշակ Երկրորդի», նրա գլխավոր հերոսների գործունեության հիմքում: Ուլբե՛ր են նրանք: Արշակը, Ներսեսը, Փառանձեմը, Գնելը, Հայր Մարդպետը, Վասակը և այլք: Մենք կփորձենք հողվածի շրջանակներում սեղմ գծերով ներկայացնել պատմավեպի երկու գլխավոր կերպարներին՝ Ներսես Մեծ կաթողիկոսին և Արշակ թագավորին՝ որպես Զեյթունցյանական ինքնատիպորեն թարմ ու հետաքրքիր մեկնաբանություններով կերտված պատմական կերպարներ, որպես անկախ ու ազատ հայրենիք ու ժողովուրդ ունենալու սևեռուն նպատակադրում ունեցող երկու եռանդաշատ, հրաշքներ գործելու ընդունակ, բայց և միմյանց հակասող ու բացառող մարդ, որոնցից յուրաքանչյուրը խոչընդոտ է դառնում մյուսին...

Հանրահայտ ճշմարտություն էր, որ ուժեղ երկիր լինելու համար հարկավոր էր ունենալ հզոր թագավոր և հոգևոր հզոր առաջնորդ: Արշակը Ներսեսի մեջ էր տեսնում այդ ուժը, այդ ուժը իր մեջ նաև Ներսեսն էր գգում, ուստի պատահական չէ, որ պատմավեպն սկսվում է Արշակի կողմից Ներսեսին հարկադրաբար կաթողիկոս դարձնելու դրվագով:

Արշակը ճիշտ ընտրություն էր կատարել. Նա գիտեր՝ Ներսեսը ձեռնասուն չի դառնա, գիտեր, որ կաթողիկոսությունը վերադարձնելով Գրիգոր Լուսավորչի տոհմին՝ ուժեղացնում է հունասերներին, որոնց չէր համակրում, բայց պարսկասերները հզորացել էին, և նրանց ուժը լրջորեն անհանգստացնում էր արքային: Հարկավոր էր հավասարակշռություն ստեղծել: Իսկ Ներսեսը նայել գիտեր, խոսել գիտեր: Փառահեղ արտաքին ուներ: Ժողովուրդը կգնա նրա հետևից: Կհավատա նրա խոսքին: Արշակին Ներսեսի պես այր էր հարկավոր. Զե՛ որ կաթողիկոսը հավասար է արքային. Նա է երկրի երկրորդ ղեմքը:

Կտրելով դարերի հեռավորությունը՝ գրողը բերում, ընթերցողի առաջ է կանգնեցնում քրիստոնյա Հայաստանում ապրած թերևս ամենամեծ կաթողիկոսին, լուսաբանում նրա ապրած ժամանակահատվածը, նրա ամենամարդասիրական երազանքներն ու իրականացրած ծրագրերը.

¹ Մ. Աբեղյան, Երկեր, Եր. 1966, էջ 224-225:

որոնք նաև անվանի գրողի ու յուրաքայտուր հայի նվիրական ցանկությունն էին հոգևոր տիրոջ իղեալ կերպարի վերաբերյալ:

Եվ այսպես՝ Ինչ խոհեր էին պաշարել դեռ չօժված կաթողիկոսին. ուրեմն՝ մինչև մահկանացուն կնքելը իրեն պիտի նվիրաբերի ուրիշների՝ ն, պիտի անընդհատ բարիք գործի, պիտի ապրի անանձնական կյանքով, լուսավորություն ու մարդասիրություն պիտի սերմանի իր խաչված երկրում, որտեղ թոշունների պես չվող բազում մայրաքաղաքներ են եղել, տեղից տեղ փախչող շքեղ ու վախեցած մայրաքաղաքներ, որտեղ ոչ թե մտնում, այլ իջնում են տուն՝ գետնափոր, անդուռ, անլուսամուտ, մարդկանց ու անասուններին բաժանող միջևորմ - վարագույրով...

Լի անհուն վճռականությամբ՝ ամենուրեք դպրոցներ պիտի հիմներ, բացեր անկելանոցներ, ուրկանոցներ, աղքատանոցներ, որբանոցներ, հիվանդանոցներ, օթևաններ՝ ճամփորդների ու օտարականների համար, վերացներ մուրացկանությունը, ապա պիտի հորդորեր թագավորին, նախարարներին, բոլոր հարուստներին ու իշխանավորներին՝ գութ ունենալ ծառաների, ստորադրյալների ու աշակերտների հանդեպ, ծանր հարկերով չնեղել նրանց, քանի որ աստված ընդհանուր է ամենքի համար: Մարդուն աստծու պես կատարյալ ու անթերի տեսնելու նարեկացիական մղմամբ՝ Ներսեսը նաև պիտի արգելեր մերձավորների ամուսնությունը, արյունախառնությունը, բազմակնությունը անասնական ախտերը, հարբեցողությունը, սուտ երդումը, արվագիտությունը, իգությունը, անասնագիտությունը, մեռելներին ողբալու հեթանոսական կարգը՝ երաժշտական գործիքների նվագակցությամբ, հատուկ պարերով, ինքնակեղեքումով, ոճիրներով...

Հեղինակը մերթ դառնում է նրան տանջող հույզերի թարգմանը, մերթ նրան կանգնեցնում ընթերցողի առջև՝ ներքին դրամատիկ մենախոսությամբ: Այնքան կենդանի է հնչում նրա ձայնը, այնքան դառնաթախիծ են նրա ձայնի ելնչումները, որ ընթերցողը կենդանի հաղորդակցության մեջ է մտնում նրա հետ: Հզոր, առնական, աշխարհիկ հաճույքները վայելած այրը պատմավեպի սկզբում հանդես է գալիս աշխարհիկ կյանքով ապրելու և նրանից հարկադրաբար հրաժարվելու իրարամերձ զգացումների հուզախոռով պոռթկումներով, որոնք այնքա՛ն բնական են ու մարդկային: Պ. Զեթյունցյանը միանգամից սրբի հանդերձներ չի հագցնում Ներսեսին: Նա ամենից առաջ մարդ է՝ առողջ բանականությամբ ու տրամաբանությամբ, արդեն որդեգրած մեծ ու պատասխանատու գործը ամենայն սրբությամբ կատարելու անսահանջ նպատակադրմամբ: Եվ կերպարակերտման այս ինքնատիպ յուրահատկությունը դառնում է պատմավեպի մեծագույն արժանիքներից մեկը: Կեսարիայում կաթողիկոս օծվելուց հետո վերա-

դառնալով Հայաստան՝ իր անստեման իրավունքներն ու երկրի բախտի ու ճակատագրի հանդեպ ունեցալիք մեծ դերի գիտակցումով Ներսեսը կանգնում է Արշակի առաջ՝ որպես երկրորդ տեր ու պատասխանատու։ Հիմա նրան անհանգստացնողը երկրում տիրող քաոսն է, կառուցվող Արշակավանք, որ լցվել է տերերից փախած ծառաներով, ուր ցեղվել են տիրոջ ու ծառայի տանհամները, ուր անխելամուռությամբ է տիրում, ուր սարքանում են մարդկանց մութ բնագոյները, իսկ նախարարների հետ նրա տնեռացությունը ենթադրում էր նոր հակամարտությունների հրաբխի ժայթքում...Նրկու հզոր ուժեր կանգնած են միմյանց դեմ, երկրան էլ հոգում են ժողովրդի մասին, երկրուն էլ ուզում են, որ մարդասիրություն իշխի երկրում, բայց արքայի փաստարկները ավելի զորեղ են, եթե Ներսեսը ուզում է իրագործել իր բարեգործությունները, պիտի համարձակ, որ դա հնարավոր է միայն արքայի օգնությամբ, նրանից տեսչին հույեր և գումար առանձալու ղեկպոմ։ Իսկ այդ սարսազայում արդեն եա չպիտի խառնվի Արշակավանքի գործերին...Եվ հենո՜ւ Արշակի համար կա ես մի չափազանց կարևոր՝ երկրից արտահոսքը կանխելու այսօր էլ խիստ արդիաշունչ պատճառ՝ Արշակավանքի կառուցումը արդարացնելու համար. <<Մինչև երբ Պայտյոյ Հայկազները ասպարեզ չպիտի գտնեն իրենց հողի վրա և օտար երկրներ մեկնեն։ Մտածե՛լ ես երբևիցե, թե ինչու ոչ որ այս երկրում մեծություն չի դառնում։ Քթներին տակ ապրում են, իսկ մենք չենք էլ նկատում, բանի տեղ էլ չենք դնում։ Բավական է օտար տեղ ընկնեն ու համբավի տեր դառնան, որ մենք հպարտանաք նրանցով, կարծք ձեռներ, երդվենք նրանց անուններով։ Մինչդեռ այդ մարդկանց պահել, պահել պիտի կարողանալ>>։

Բախումը արքայի և կաթողիկոսի միջև ակնհայտ էր, և քանի որ մինչև այդ հույն եկեղեցուն ենթակա հայ եկեղեցին այդքան դարձել էր անկախ ու ինքնուրույն, արքան կայող էր դժգոհության ղեկքում կարգալույծ անել կաթողիկոսին...

Այստեղ պատմությունն ասում է, որ 359 -ին դժգոհելով Արշակ Բ-ի՝ որոշ հայ նախարարական տների հալածելու քաղաքականությունից՝ Ներսես Ա-ն թողել է կաթողիկոսի գահը։ Մոտ 364-ին Արշակ Բ-ի խնդրանքով կրկին նստել է կաթողիկոսի աթոռին և որպես հայ նախարարներից կազմված պատվիրակության ղեկավար՝ մեկնել է Կ.Պոլիս՝ հայ - բյուզանդական հարաբերությունները կարգավորելու նպատակով, բայց ապարդյուն։

<<Արշակ Երկրորդի>> վիպական գործողությունների գաղափարն ընթացքում գրողը ի վերջո ինչ լուծում էր տալու արքայի ու կաթողիկոսի հետոյեհետև սրվող հակամարտությանը։ Միա նրանց վերջին հանդիպումը,

երկու ձեռացած մարդիկ, որոնք կրել էին հոգսերի բեռան տակ: Խամբել էր նրանց աչքերի փայլը, արյունն ալլես չէր խնկաբանում նրանց կրակներում: Տաք – տաք հագած – կապած էին նրանք, Արքան բուրդ էր փաթաթել մեջքին, որովհետև բազում թշնամիներին ավելացել էր մեկը՝ մեջքի ցավը: <<Երկու առյուծ, որոնք դեռ մի բանի տարի առաջ կարող էին յորիկ քայլել սառույցի վրա, որոնք կարող էին ցուրտը որպես շապիկ հագնել մերկ մարմիններին>>: Դա հրաժեշտի հանդիպում էր՝ լի ցավով ու ծանր հիշողություններով, անցածին ու արածին տրված գնահատականներով: Միավորման գաղափարը արքան չկարողացավ իրագործել որպես աշխարհական, Ներսեսն իրականացրեց որպես հոգևոր առաջնորդ՝ մարդասիրության սերմեր շաղ տալով չորս բոլորը: Արքան հրեշտակ չէր, բայց ու ռճրագործ չէր, Նրա դաման քայլերից ոչ մեկը անձնական հիմք չունէր: Իսկ կաթողիկոսի մեղքը ոչ թե է, եր անբուն գիշերն էր, իր անանձնական կյանքը, դպրոցներում գրագիտություն ուսուցանելը, ծերանոցներում հանգիստ մեռող զառամյալներ, ուրկանոցներում աշխարհից պատասխարված յորոտներ, բը, աղքատանոցներում մի պատառ հաց ուտող թշվառներ, թե՞ օթևաններում հանգստացող ճամփորդները: Բայց ահա նա մեղք է գործել, սպանել է տվել Հայր Մարդպետին /թեև այդտեղ էլ խառն էր արքայի մատը/ ու արյունոտ ձեռքերով ալլես հովիվ լինել չի կարող: Կաթողիկոսի հրամարականը արքայի փափագն է եղել:

Անսրող ջերմությամբ է Պ.Ջեյթունցյանը կերտել ճանաչողական ու դաստիարակչական արժեք ունեցող Ներսես Մեծի կերպարը, որ դարերի հեռավորությունից զալիս, կանգնում է մեր կողքին՝ որպես մայր ու որպես սուրբ: Նա հրաշայի գինվոր էր ու սննեկապես: Այնպիսի վստահությամբ ու հավատով էր նետվում կովի, որ թշնամու նետը սիրտ չէր անում նրան խոցելու: Ռազմի դաշտը խաղ ու պար էր նրա համար, տաբերք ու մոլուցք: <<Նրա կատաղի հայացքը տեսնելով, նրա կրակուբոց աչքերին հանդիպելով՝ պարսիկն ու բյուզանդացին նախապես հասկանում էին, որ իրենց բախտը չբերեց այս անգամ, որ ուրիշ մի ճար չունեն, բացի մեռնելուց>>: Ճակատամարտից նա միշտ վերագրաձել է գինովցած ու թեթևացած ու տրվել կտուհաց ու խմիչքներին: Նրան միայն սիրել են ու ստել: Շատ են սիրել ու շատ են ասել: Երբեք գլուխ չի ծռել, չի բծնել, չի շողոքորթել, չի ձգտել պաշտոնի, փոքրի հետ՝ փոքր, մեծի հետ մեծ է եղել: Բոլորի՝ թե՛ գինվորի, թե՛ շինականի հետ վարվել է ինչպես հավասարը հավասարի հետ: Անգիր է իմացել հույն ու ասորի իմաստասերներին: Սովորել է լեզուներ, ուսուցանել Կեսարիայում: Հայրենի է ամեն ինչում: Աստված է վկա, որ հոգևոր առաջնորդի գործն էլ լավ է կատարել: Իգուր չէր, որ նրան կոչեցին Մեծն Ներսես: <<Մեծ>> տիտղոսը ոչ ոք չի կարող

տալ, անգամ արքան, բացի ժողովրդից, բացի նրա հավաքական կամքից: Գերմարդկային ճիգով ու վեհանձնորեն նա հրաժարվեց անցյալից, այն ամենից, ինչ սիրել ու պաշտել էր ու դարձել սուրբ ու անբիծ, ամբողջ էությամբ նվիրաբերվել իր սոր գործին՝ ձգտելով, որ մարդիկ սովորեն երջանիկ ապրել, բախտավոր լինել: Ներսեսը կանխատեսում էր, որ վաղ թե ուշ, այսօր չէ վաղը հայոց թագավորությունը կուլ էր գնալու օտարներին: Ու եթե մի բան մնար, մնալու էր կենտրոնացած ու հզոր հայ եկեղեցին՝ ամենուրեք ցրված իր վանքերով ու աստծու ծառաներով, իր կալվածքներով ու անհատնում հարստությամբ, իր բարի անունով ու հեղինակությամբ: Արքայից բաժանվելուց հետո ծանր ապրումները պաշարել էին նրան. ով է հիմա ինքը, ո՛չ հողի մարդ է, ո՛չ երկնքի, ո՛չ գինվոր կարող է լինել, ո՛չ հոգևորական, ով է, որտեղ փնտրել իրեն...

Ասելիքը չերկարացնելու ու նաև պատմական աղբյուրի հավաստիացումը ընդգծելու համար Պ. Զեյթունցյանը երբեմն մեջբերումներ է կատարում պատմությունից: Այս անգամ այն վերաբերում է Արշակավանի կոտորածի ժամանակ Ներսեսի մարդասիրությանը, երբ Արշակի դեմ կատաղած հայ նախարարները կոտորեցին տղամարդկանց ու կանանց, բացի ծծկերներից, իսկ նրանց երեխաներին ուզում էին գերի տանել, Ներսեսը քթոցներով նրանց կրել տվեց գոմ և հրամայեց սնունդ տալ: Նրանք մեծանալով մի ավան կազմեցին, որը կոչվեց Ռթթ /քթոցներ/:

Ներսեսի մեծահոգության ու անհիշաչարության, իր ժողովրդի ու հայրենիքի համար իր անսպառ նշանըը նվիրաբերելու պատրաստակամության մասին է խոսում և այն փաստը, որ նա, չնայած Արշակի հետ գծոված լինելուն, համաձայնում է նրա առաջարկին՝ հաշտության միջնորդ լինելու արքայի և նրա նախարարների միջև...

Արշակի ձերբակալվելուց հետո իշխանությունը իր ձեռքը վերցնելով՝ Փառանձեմը Մուշեղ սպարապետին և Ներսեսին պատվիրակության հետ ճանապարհում է Բյուզանդիա՝ հունաց կայսրին խնդրելու, որ Պապի հետ օգնական գործ ուղարկեր Հայաստան: Ներսեսը հույս ուներ, որ Պապի օրով նորից կստանա կաթողիկոսության աստիճան և տեղ կկանգնի քայքայվող եկեղեցուն և կշարունակի իր բարեգործությունը...

Թե ինչ դեպքեր են կատարվում հետո, կարդում ենք պատմության էջերում... Իսկ Ներսեսի վախճանի մասին Փավստոս բուզանդը և Մովսես Խորենացին հաղորդում են, որ Ն. Ա Մ-ը թունավորվել է Պապի նախաձեռնությամբ: Այլ վարկածի համաձայն՝ նա մահացել է թոքերի հիվանդությունից, որով տառապել է դեռևս Կեսարիայում սովորելու տարիներին:

<<Քրիստոնյա Հայաստան >> գրքի 779-780 էջերում նրա մասին կարդում ենք, <<Ներսես Ա Մեծը ծավալել է հոգևոր կրթական մեծ գոր-

ծունեություն, համարվել Հայ եկեղեցու առաջին մեծ բարեփոխիչը: Պայքար է ծավալել պարսկական ազդեցության տարածման դեմ, ոչնչացրել գրադաշտական ատրուշաններն ու մոզության դպրոցները, արգելել պարսկերենի ուսուցումը, ձեռնամուխ եղել Հայաստանում քրիստոնեության տարածման և ամրապնդման գործին: Ն.Ա.Մ. փորձել է մեծացնել եկեղեցու դերը երկրի ներքին կյանքում: Նրա օրոք եկեղեցին դարձել է խոշոր հողատեր և մեծ ազդեցիկ ուժ: Հայ եկեղեցին ս. Ն. Ա. Մ-ի հիշատակը տոնում է Խաղ եպիսկոպոսի հետ:

Հայ ժողովրդի քրիստոնյա սերունդների համար մեծ ու հզոր բարեպաշտ բարեգործի, սրբազնագույն մեծ կաթողիկոսի անունը պսակված է լուսաճառագայթ դափնիներով...

4-րդ դարի ներքին ու արտաքին քաղաքական կյանքի փոթորկահույզ, լարված ու դրամատիկ իրադարձություններով հագեցած դարում ապրել են նշանավոր հոգևոր ու պետական մի շարք գործիչներ, որոնց մասին հյուսվել են իրական ու լեգենդախառն բազմաթիվ գրույցներ, որոնք այսօր էլ շարունակում են հետաքրքրել հայ գրողներին ու ընթերցողներին:

Ինչպե՞ս է Պ. Ջեյթունցյանը կերպավորում Արշակին, դրական ու բացասական ինչպիսի հատկանիշներով օժտում, ինչպես գնահատում նրա գործունեությունը:

Պ. Ջեյթունցյանը վեպի հենց սկզբից Արշակին ներկայացնում է անելանելի կացության մեջ ու դառը խոհերով: Նրան թագավոր էր կարգել պարսից արքան: Դա բյուզանդացիների աչքում խոցելի ու աններելի կետ էր իր կենսագրության մեջ: Եթե կայսրը նրան թագավոր կարգեր, խոցելի կդառնար պարսիկների համար: Իսկ հիմա կայսրի սիրտը պիտի առներ՝ իշխանություն տալով բյուզանդական կողմնորոշում ունեցող Լուսավորչի տոհմին: Այդ սիրտ խառնող հավասարակշռությունը նողկալի էր Արշակի համար: Եվ ինչու ինքը պիտի որևէ մեկի կողմը բռներ. «<Ների՛ր, սենեկապե՛տ, ես հանդգնեցի մի պահ մոռանալ, որ փոքր ազգի թագավոր եմ: Եթե ուզում ես մեկին երիցս անիծել, թող փոքր ազգի թագավոր դառնա: ...Խղորամանկ պիտի ապրես: Պիտի ապրես քծնելով: Վախ ու դողի մեջ: Ամեն քայլը կախված ուրիշի քայլից>»: Ուրեմն ինքը պիտի կա՛մ հուճախեր լինի, կա՛մ պարսկասեր, ինքը իր ուժը չունի: Բայց ո՞չ, ունի՛, ծրագրե՛ր ունի, մե՞ծ ծրագրեր... Մարդկային մի ահռելի ծով, մի հոծ բազմություն, մի ամբողջ հրաբուխ... իր Արշակավա՛նը... Արշակը իր հանդգնությամբ ու հեռատեսությամբ, իր երկրի կախվածությունը վերջապես թոթափելու համարձակ երազանք-ծրագրով ժամանակից առաջ էր ընկնում...<<-Ես արշակավանցիներին արտոնություններ կտամ... Կազատեմ հարկերից... Չեմ թողնի, որ մեկը մյուսի հաշվին ապրի... Եվ նրանք կսիրեն ինձ...

Ատամներով կապշտպանեն իրենց քաղաքը... Իրենց ազատությունը... Միևեկ վերջին շունչը կկռվեն... Ել ստիպված չեմ լինի սողալու մեկ պարսիկի, մեկ բյուզանդացու առաջ... Եթե վաղը պատերազմ սկսի, էլ գորք չեմ մուրա իմ նախարարներից... Ես իմ սեփական գորքը կունենամ...»

Արշակը գտել էր իր կյանքի, իր գոյության իմաստը... Ի՛նչ Պարսկաստան, ի՛նչ Բյուզանդիա, ի՛նչ նախարարներ...

Սիրում է Արշակին ընթերցողը, սիրում է ու կարեկցում նրան, նաև մեղադրում սեփական շահերից թելադրված վրեժխնդրության համար: Նա ապրում է մարդուն ու արքային բնորոշ հնարավոր բոլոր տառապանքները, ցավը, երազանքը, դաժանությունը: Փառասեր է նա, բայց և հպարտ, Քանի՜ անգամ էր մերժել կայսրի հրահանգը և նրան գորք չէր տվել պարսիկների դեմ կռվելու համար, քանի՜ անգամ էր զանազան կերուխումների ժամանակ տղայական պարծենկոտությամբ հոխորտացել / բայց իր տանը /, որ Արիլեսից էլ ավելի քաջ է ու արի և թքել է կայսրի վրա: Որքա՞ն հաճախ է նա ապրել վրեժի զգացման և մեղքի գիտակցության արանքում, սիրո և ատելության հակամարտության միջև, ինչքա՞ն է զգացել արքայության անգթորեն ձգմող ու կրացնող ծանրությունը:

Իսկ ովքե՞ր են Արշակի հավատարիմները: Դրաստամատը, որ ամբողջ չուրթամբ նվիրված էր արքային, բայց ոչ Արշակի անձին, Գնեղը, որ արքայի հավատն էր, նրա երկրորդ եսը և ավելի կատարյալը: Որպես մարդ՝ նա գոյություն չունեի: Արշակը իր ներկայությունն էր սիրում նրա մեջ, իր լավագույն կեսը, թուլություններից ազատված իր երկրորդ անձը: Զեյթունցյանը նրանց դարձնում է որոշակի գաղափարախոսության կրողներ, որպես պատմության զարգացման ընթացքը խոհեմաբար ու փիլիսոփայորեն ընկալող հեռատես խորհրդատուներ: << Դու պետք է ուժեղ լինես, արքա՛, շատ ուժեղ... Պարտավոր ես ուժեղ լինել: Ուրիշ ելք չունես: Մեզ միավորված հայրենիք է պետք: Եվ այդ գերագույն նպատակի համար չպիտի խնայես ոչինչ: Ո՛չ ուժ, ո՛չ եռանդ: Պիտի ոտնատակ անես ամեն բան: Եթե ճանապարհիդ խոչընդոտ հանդիպի, ձեռքդ չպիտի դողա, դեմքիդ չպիտի կասկած տեսնես... Երկիրը պիտի կառուցել, ստո՛վ, սխալո՛վ, ճշմարիտո՛վ, անգամ դաժանությամբ, ամեն ինչով, բայց պիտի կառուցել...>>: Բայց նույն Գնեղին սպանելու հրաման տված արքան դեմ է դաժանության գնով անգամ մի քայլ անելուն: << Դաժանության վրա կառուցված երջանկությունը խաբխուլ կլինի>>, - ասում է Արշակը : << Իսկ մարդասիրությամբ ոչինչ չես կառուցի...>>, - լսվում է Գնեղի՝ ասես դարերի խորքից հնչող անառարկելիորեն ճշմարիտ պատասխանը: Մակայն անկանխատեսելի է պատմության՝ դաժան ու հաճախ ցնցող դեպքերով

հարուստ ընթացքը, որ իր արյունոտ հորձանուտի մեջ է առնում նաև պատմավեպի հերոսներին՝ և՛ Արշակին, և՛ Ներսեսին, և՛ Փառանձեմին ...

Արշակը թեև մեծագույն գայլույթով ու դժկամությամբ, սակայն ճակատագրով դատապարտված էր ենթարկվելու հզոր հարևանների կամքին ու պահանջներին: Նրանք խառնվում են ոչ միայն երկրի ներքին կյանքին, այլև անձնական: Կայսրին հետաքրքրում է, թե ինչ նպատակով է կառուցվում Արշակավանը, և նրա դաշնակցությանը վստահ լինելու համար նրան կնության է ուղարկում իր մեռած եղբոր՝ Կոստասի նշանածին՝ Օլիմպիային: Արշակավանի կառուցումը անհանգստացնում է նաև արքայից արքային, և իրենց ուխտը ավելի ամրացնելու համար նա Արշակին կնության է ուղարկում իր քրոջը՝ Որմիզդուխտին: Իսկ Փառանձեմը... Եվ քրիստոնյա թագավորը, որ ժխտում էր բազմակնությունը, այժմ թեկուզ արտաբուստ, պիտի դավաճաներ իր սկզբունքներին: Մի կողմը՝ կրակ, մյուս կողմը՝ ջուր, ու հենց ինքը պատանդ իր սեփական երկրում: Որքա՞ն կարող է խորամանկել, ժամանակ շահել ու պահմտոցի խաղալ երկու կողմերի հետ, երկուսին էլ հավաստիացնել իր հավատարմության մեջ, երկուսին էլ հնազանդ լինել, երկուսի խոստումներին էլ հավատալ... Արքա լինելը հաճույք չէր, այլ գործ, պարտականություն, զրկանք ու մենակություն:

Արշակ մարդու և արքայի երազանքների ու տառապանքների անփառունակ ու խղճալի վախճանը առավել ցայտունորեն է երևում Արշակավանի կործանման ժամանակ: Ամբոխը նրանից հաց ու ջուր էր պահանջում, գորք էր պահանջում թշնամու դեմ կռվելու, իրենց պաշտպանելու համար, բայց արքան գորք չուներ, արքան հուսախաբությունից ու ցավից լայն բացված աչքերով, իր պարտությունն ու անգործությունը լրիվ ընդունած, քարացած դիտում էր ամբոխի խուճապահար փախուստը ու անձայն հեկեկում... Ի՞նչ էր մնում անել, մարդ դառնալ և այդ փախչող մարդկանց նման մտածել միայն իր անձի ու մաշկի մասին: Իսկ իր երագնե՞րը, իր ծրագրե՞րը: Չէ՛ որ երկիրը պիտի դառնար անկախ ու միասնական, մարդիկ պիտի ապրեին առանց վախի ու առանց օտարի ճնշման, չէ՛ որ իրենց դաշնակցությունից պիտի ոտքի կանգնեք Հայաստանը, դյուրահավատ արքան երկրի բախտը իր անուժ ձեռքերից վերցրել ու իր տկլոր ու քաղցած ժողովրդին էր տվել՝ ճակատագրական սխալ գործելով՝ վերացնելով տիրոջ և ծառայի հավերժական բաժանումը, մարդկանց զրկելով իրենց գլխավոր հարստությունից՝ իրավունքից:

Իսկ անասոված Շապուիը՝ նենգ խորամանկությամբ նոր ծուղակներ էր լարում, ամենաքրքրական և անսուտ երդման նշանով՝ վստահագիր մատանիով կնքված աղով, նա Տիգրոն էր հրավիրում Արշակին ու սպարապետ Վասակին...

Գեղարվեստական խոսքի պատկերավոր, ներգործուն ու հուզական ողջ հնարավորությունը Պ.Ջեյթունցյանը կարծես ամփոփած լինի պատմավեպի վերջին հատվածներում. անսահման տառուպանք, խոր դրամատիզմ, անցյալի ու ներկայի դառնակակիծ հիշողություններ, ապրած անձնական կյանքի մոայլ, մարդկայնորեն բնական ու անկեղծ վերլուծություններ, խաթարված, խեղված երազանքներ, մոռացության բերդում կրած զրկանքներ, մտահոգություն Պապ որդու ու հայոց ամենագեղեցիկ, վսեմաշուք ու հպարտ սիրելի թագուհու՝ Փառանձեմի ճակատագրի հանդեպ, ասփեպ կարոտ Հայաստան աշխարհի հանդեպ, կարոտ, որ հնչում է որպես երաժշտություն. «Տեսնես հիմա ի՞նչ են անում Հայաստանում... Կարտեղ եմ... Չորերն առաջվա պես խո րն են դեռ, և լեռները՝ Լախկինի նման բարձրիկ: Ծիրանենիները էլի հարսնանում են զարնալը: Նոր հնձած խոտի թարմ հոտը խելքահան չի՝ անում ևորից: Հեռուներից վերադարձող թռչունները անսխալ գտնում են հայոց երկյնքը՝ Հղի կանայք դարձյալ ծնում են արու զավակներ: Շարունակում է ցեղը բազմանալ: Շինականների խմբապարը չի ղորդացնում գետինը: Հայի աղոթքը հասնում է աստծուն: Ձմեռները էլի խի սո՛ւ են, և ամառները՝ շո՛գ: Զինվորի սուրը դիմանում է թեկուզ կարճատև դադարին... Եվ ուր է հիմա Հայաստանը, ուրն է հիմա, ի՞նչ սահմանների մեջ... Ո՛վ է նրա թագավորը...»:

Արշակի ողբերգության պատճառը մեկնաբանում է Դրաստամատը. «-Դու հանդգնեցիր առաջ անցնել քո ժամանակից: Քեզ ոչ ոք չէր կարող հասկանալ: Անգամ քո ժողովուրդը: Դու մենակ մնացիր: ...Բայց դու միայն զլխով առաջ անցար ժամանակից, արքա՛. իսկ հոգով ու մարմնով կապված էիր քո ժամանակին՝ որպես բիրտ ու դաժան մի բռնապետ: Ա՛յս էր քո ողբերգությունը, արքա՛...»:

Հավատարիմ մնալով պատմական դեպքերի զարգացման ընթացքին՝ Պ. Ջեյթունցյանը ստեղծել է գեղարվեստական սքանչելի մի երկ, որի թողած տպավորությունը մեծ է ու անջինջ...

Պատմավեպը գրված է ստեղծագործական բուռն ներշնչանքով, չոր-բորդ դարի քաղաքական ու սոցիալական ծանր հանգամանքների բնական զգացողությամբ: Կերպարները կերտված են գեղարվեստական անզուգական վարպետությամբ, նրանց հոգեբանությունը զարմանալի խորաթափանցությամբ վերլուծելու մեծ հմտությամբ: «Արշակ Երկրորդում» պատմության շղթան չի ընդհատվում, այն կուտ է ու դինամիկ, հարուստ պատմական փոթորկահույզ անցքերով, որոնք արագասահ են, հետաքրքիր, գաղափարապես հագեցված: